

【舉重仙女】蔡承軒原作

阿美生來拗蠻靚，親像仙女下凡。

厥爸盡驚阿美在路項堵著惡人無結煞，就尋健身教練來訓練阿美。一開始恠著阿美會反抗，無想著阿美上課過後噯中意去練舉重。後來，阿美一下課，毋係在健身房就係去健身房个路項。

阿美進步當遽，擎个重量乜緊來緊重。雖然會試著已食力、已辛苦，毋過佢看著自家个進步就感覺著當值。有時節練到歸身仔痠軟痛，乜當想愛推懶；有時節無細義著傷，乜會想愛放棄。逐擺阿美愛放棄該下，就會恸著有人講過：「危險係真實存在个，毋過愛驚佢無？係若个選擇。」在訓練个過程裡肚，佢了解，愛看著山頂項該恠靚个光景，定著無恠該。

一瞞目，過乜幾下年。這下舉重對阿美來講就像啟氣樣仔恠自然，佢想愛做一個舉重運動員，同鍛鍊身體个觀念傳揚分較多人知。教練試著分阿美參加比賽个時機到乜，阿美無分大家失望，在頭一擺比賽就得獎。佢噯一息仔自滿都無，因為阿美有還較大个目標，該就係愛參加奧運。

逐日訓練過後，教練都會陪等阿美共下看優秀選手个影片，

檢查自家還有哪愛改進个。阿美乜陸陸續續去參加比賽，漸漸仔有緊來緊多人識佢，外背个人同佢起一個名仔，安到「舉重仙女」。

經過千辛萬苦，阿美總算得著代表臺灣參加奧運个機會，這係佢恠多年來个夢想，毋過時間當急，佢跔等就加強訓練，想愛拿出最好个表現為國家爭光。

在恠多湛斗人才个奧運場項，無半儕知阿美係麼人，甚至於還有兜仔藐視這個頭一擺來參賽个黃皮膚个細妹仔，毋過阿美知佢眼時愛做个就係拿出最好个表現，毋使聽人狗呷烏蠅，正經強个人係用成績來講話个。跔等比賽个進行，就算阿美个分數一時間跔毋著人，佢還係煞猛牯齧等牙根毋放棄。盡遽，就來到最尾一關个挺直擎¹乜，教練同阿美參詳過後打算盡命牯去拚，分佢去試擎毋識擎過个重量，係講成功乜，阿美就會係這屆奧運个金牌得主。

包尾十分無採，阿美落鼓²乜。佢顛倒毋會試著見笑，因為佢知就算落鼓乜，總比無試過正來後悔還較甘願。阿美發誓，四年過後愛重新轉到奧運个比賽場項，來同臺灣爭取一坵金牌！

¹ 挺直擎：音 ten` ciid kia`；挺舉。

² 落鼓：音 log gu`；指失敗。